



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Berichtbüchlin. Wie das ein yegklich Christen mensch
gewiß sey der gnaden/ huld vn[d] gũten willen Gottes
gegen ym**

Lonicer, Johannes

[Strassburg], [1523]

VD16 L 2434

Das ander argument.

urn:nbn:de:hbz:466:1-32207

Don anruffung

verderben die brüderschafften / werden zerbrochen die patrocinia vñ kirchweyhungen. Dye stond vest ir Bischöff / pfaffen / vñ münch / vñ strebt mit möglichem fleiß dar wider / das ir nit vertreibē last anruffung d̄ heiligen. sunst würde ewer seckel vñ buch zū nüchtig vñ verderben.

Damitt hab ich nun gnügsam / meins beduncken / mit etlichen der heiligen schrift orten bewert vñnd offenbart / wie Christus allein vnser mitler / fürsprecher vñ fürbitter sey. vñd wie man allem gott / vñ nit die heiligen so in gott rüwen / anruffen sol. Nun fürbaß erfordert die sach vñnd handlung / wie oben angezeigt / die argument vñd anzeigung Baltassar Sattlers pffarhers zū Esslingen / mit denen er sich beflissen zū beweren / anruffung der Heiligen / vñd dz öffentlich an der Cantzel vor aller meniglich / dar geben vñ ans liecht bringen. damit man klärlich erkennē mag / die lesterung / mit welchem er besleckt / gefelscht / vñ geunreynndt die heylig schrift. Wil also zūm erste seine argument setzen . vñnd darnach darauff mein antwort vñd irer niderlag.

Das erst argument.

I
Ioan. xvi.

Ich hab eüch noch vil zusagen / ir kündts aber yetzunt nit tragen. wen̄ aber würt kün̄en der geist der warheit / d̄ würt eüch lere alle warheit . dan̄ er würt nit redē von ym selbst. So nun die kirch geirt in anruffung der Heiligen / so hat Christus nit gnüg gethon seiner zusag / dō er gesagt wie er schicken werd den tröster der da lere alle warheit. Aber die kirch mag nit irren / sittenmal sye durch den heiligen geist geregirt würt. spricht Satler.

Das ander argument.

II
Job am fünfften. Wer dich zū einem heiligen. D̄ß wöchem er probiert / die anruffung der Heiligen.

Das drit argument.

III
Gen. xx.

Do Abimelech d̄ König / het Abraham sein hauffstraw